



# ma seit, ma söt

(ASP/040-16.04.1991)

.... ma seit, ma söt  
..... ma söt nid

Ma söt all d' Wohrat vo sä gio,  
ma söt nid z' lut a Muonung hio.

Ma söt mit Lütö Gschpäßlä macha,  
ma söt nid über andrä lacha.

Ma söt dom Wieb do Willo lo,  
ma söt-or nid am Stühllä stoh.

Ma söt all ehrlä si und wohr,  
ma söt nid suocho sealbor d' Gfohr.

Ma söt quot ako all bin Lütto,  
Sugloggo sötit ma nid lütto.

Ma söt do Gobo Vorbild gio,  
ma söt nid iona d' Ussicht nio.

Ma söt ou s' Geald no usgio dörro,  
ma söt nid zum Vergüdar wörro.

Ma söt all Röüä tuo und Buofß,  
ma söt all meh tuo as ma muofß.

Ma söt mit Luscht und Liobä eosso,  
ma söt nid d' Faschtowitz vorgeosso.





Asa junga möcht ma meh,  
spätor lobt ma übron Klee,  
daß ma so bescheiden sëi;  
und daß ma fascht kon Wusch mä hëi.

Asa junga will ma renno,  
spätor heat ma dänn an klänno  
Schwung, schreapfat, hebt a klä all zruck;  
und brucht-on nid - do Übordruck.

Asa junga tuot uom s' Feschta.  
Spätor heat ma dänn Maläschtta,  
wenn ma 's übertreibt dobëi:  
und dromm sëit ma liobor - nëi.

Asa junga ka ma spachtla,  
spätor ioßt ma liobor Wachtla,  
Schneoggo, Trüffel und Salat;  
und ischt froh - daß däs no goht.

Asa junga ma ma sufo,  
spätor brucht ma nid do Hufo,  
trinkt do Wie us beschta Laga;  
und ma hört ou döt no - Klaga.

Asa junga will ma viel,  
spätor lobot ma do Stil  
zogat dän, so reocht und schleocht  
und ma woäßt - ma ischt im Reacht.





# nid z' lind liggo

(ASP/042-03.06.1991)

A Bett, wo do Madratzo lind ischt,  
däs dunkt, wenn d' inä lischt, dä fräi.  
Blös kascht druf goh, wenn d' woach und ring lischt:  
an Hoggo ischt erscht reacht dobëi.

Wenn d' losascht und gnau obacht gischt,  
dänn giob-ä dor an guoto Rot,  
wenn d' z' woach di bettascht, z' gmüotlä lischt:  
isch 's däs gad, wo uf d'Knocho goht.

Wenn d' sealbor dä am Riomo riefischt,  
a klä uf dienä Stockzäh biescht,  
nid vorna-zuo dä sealbor bschießcht,  
dänn fühlscht dä zwor nio wio an Fürscht:  
blös gsündor blibsch und eltor würscht.

Und wenn d' dor nid all sealb arbarmascht,  
im Gegotoal dä sealb ommarmascht  
und z'frido bioscht und gsund und froh:  
dänn bios so quot und blieb ou so.




As a klänna, ohnä Froga  
nit für barä Münz ma s' mäischt,  
d'Zwiefol tuond uos no nid bloga:  
d' Gobo gloubond dor was d' säischt.

As a junga gloubt ma halt,  
alls blös was ma griefo ka  
und ma säit, was uom nid gfallt,  
lot an nünt kon Zwiefol dra.

As a-n-alta woäßt ma 's gnau,  
woäßt, ma dar ou Fehler macha,  
giolt as Philosoph und schlau:  
dar sogar no drübrt lacha.

XX



# Bi jedem Weoter

(ASP/044-17.06.1991)



Wenn d' Sunno schinnt sa heargoz brüotig  
und d' Briomo tound sa heargoz wüotig,  
dänn hock ä undro Biorobomm  
und dänk mor, brüot no wüotig domm.

Wenn s' fisolat dur s' Reagohäß,  
wenn d' soachnaß würscht, wenn d'muoscht dur 's Gräs,  
Wenn d' Gräbo schwellond und do Bach,  
dänn mach s' wio i, blieb undrom Dach.

Wenn s'weit i 's Fioschter und as Hus  
und abar lot, daß as a Grus  
und 's Wassor louft dur d' Bündta her,  
dänn dänk ä mor: blös nid in Kear.

Wenn Hagol hout uf seerä Dächor,  
ob ganz varruckt, ob ehndor schwächer,  
uf jedo Fall dänn stoh-n-ä undor  
und dänk: no abar uf dean alto Plundor.

Wenn d' Sunno würft an Reagobogo,  
und dußa stond im Reago d'Gobo,  
dänn luog ä gad as wio vor Johro  
und mirk do Reogo kaum in Hohro.

Wenn as varuß reacht diesig ischt  
und uf o Weogo iesig ischt,

dänn mach ä allä Lädö zuo:  
wio ischt as hüt so schüo dahuo.


Und fallond amol großä Flocka,  
das Blödischt wär dänn inä hocka;  
dänn gang ä mit do Gobo rodla  
du hörscht üs mitanandor jodla.

Wenn Wolka übr-o Himmol jagond,  
d' Senioro übor Rheuma klagond,  
wenn s' Weattor uf-o Tatsch schlacht omm,  
wenn d' figgrig bioscht, nid woascht waromm.

Wenn 's blitzgat, weottorlücht und strohlat,  
und ganzä Fär an Himmol molat,  
und wenn as numma hört zum dora  
wenn d' dänn ko Angscht heascht kännscht ko Gfohra.

Wenn s' Weattor will, stohscht still, loscht rücho,  
du bioscht-om hörig, kascht nid flücho.  
dromm träg 's mit Fassung und Geduld  
säg: s' Weattor sei a allom Schuld.





alls kascht meosso

(ASP/043-27.05.1991)



I bio uf d' Gnäüä wio vorseasso,  
dromm muos ä alls, was goht, gnau meosso.

Am Meassgerät söll as nid fählo,  
du muoscht blös all das richtig wählo.

An Metar bruchscht zum meosso d' Längä,  
zum d'Wittä measso odor d' Engä,  
an Tachometar bruchscht für d' Schneallä,  
Belichtungsmeassar bruchscht für d' Heallä,  
an Ampermetar für o Strom,  
do Widerstand dean mioscht in Ohm,  
a Kluppo bruchscht für d' Stämm von Tanna  
i Kübol mioßt ma d' Wassorwanna,  
am Barometar sioscht do Druck,  
nid seol gond d' Fiobormeassar zruck,  
und d' Uhr, dio bruchscht für Tageszit,  
all Johr Kalendar, belscht as s' git,  
do Thermometar mioßt i Grado,  
i Rädlä mioßt ma d' Wurscht im Lado,  
mit Wassorwoga mioßt ma d' Gredä,  
und mit ar Schmiege mioßt ma d' Schregä,  
mit Apotegarwoga s' Gold,  
i Fläschobier Soldato-Sold,  
mit Bruggowoga wiogt ma s' Höü,  
i Grad do Schnaps, ob alt ob nöü,  
do Pegol seit wio s' Wassor stoht,  
do Wie brucht Öxlä, daß ar grot,  
i Knoto mioßt ma d' Fahrt vom Schiff,  
i Ziontnar hettischt 's Gwicht im Griff,

Für alle was d' gnäuer wiogscht und mioßscht  
uf s' Meoß und 's Moß a-gwioso bischt.  
Für alle, wo d' hochdütsch säga mascht,  
däs kascht ou meoßo, däs, as kascht.

Söll mi das "hoch" am dütsch nid ioro,  
lob i mor d' Sproch vo Dorobiero  
Will, säg mor, wio ma meosso sott  
a Wort sa uofach wio: allpot ?





Gfröüt  
ischt as,  
mit gfröüta Sacha  
andora  
gfröüt'  
Fröüda macha !



(ASP/046-18.6.91)

# richtig und wichtig

(ASP/047-18.06.1991)



Was für mi das richtig ischt,  
woaß ä seal ! Bruch nid dien Rot  
was für mi das wichtig ischt.

Woaß ou seal wio 's witor goht,

%%%



# Zwonarlei "Grüo"

(ASP/048-22.06.1991)

Heat frühondor uom ma "Grüna" gsëit,  
dänn heat ma gmuont ar sei no grüo,  
und grüo si heat uos dunkt nid schüo,  
ma heat däs Schimpfwort nid vortrëit.

Wenn hüt ma uonon Grüna hoaßt,  
wo muont, as töü dom Grüno guot,  
wenn uonna blös gschied reda tuot,  
hoaßt däs, daß ar blös redt, nünt woaßt.

Wenn uonna Grüscha ioßt und Klëia  
und d' Gobo trëit im Tuoch am Buch,  
und jo nid tuot as wio-n-as Bruch,  
und nochrennt alla Spionnarëia;

wenn uonna alls will nöü arfiondo,  
scho johrwies numma schnidt sin Bart,  
uf d'Auto schimpft und sealbor fahrt,  
und d' Hoor tuot zuo-ma Schwänzlä biondo;

wenn uonna d'Hand dor git, sa liosa,  
alls ehndor as an Schüona ischt,  
und seal nid woaßt wer Grüna ischt,  
do Nutzo zücht vo-n-alla diosa;

